

## Dichtbeej

't Waas zomer, 't waas druk  
ik keek nar ow per ongeluk  
en geej keekt nar meej  
geej leeft weg um weg te goan  
um te zeen of ik bleef stoan  
't rakte meej aan  
en owwe bloete erm  
vulde zo werm, zo dichtbeej

enne sleutel, enne gang  
dik tapijt en slecht behang  
en 'n groet schilderij  
in enne vals verlichte stad  
ik heb 't in mien hand gehad  
't rakte meej aan  
en owwe bloete erm  
vulde zo werm, zo dichtbeej

en nou wiet ik wal  
lat alles nou mar blieve  
zoeals 't oeit waas  
't giet allemoal vurbeej  
'n bekend verhaal  
't keumt nooit mier terug  
net als toen  
wat ware we dichtbeej

't waas zomer, 't waas druk  
ooverall hing 't geluk  
't lachte nar meej  
de oavend gans in 't begin  
veul verlange um meej hin  
en 't rakte meej aan  
en owwe bloete erm  
vulde zo werm, zo dichtbeej

[Muziek: Tren van Enkevort, tekst: Jack Poels]

[cd 'Dageraad', V2 Records 2003]